

Fischkal sin

Fischkal mecht ich aa net sin,
Liewer in de Erdsbode nin;
Streide, raafe, ärchre, schenne
Is aa nix for unsereene.

Vun frih bis owets Akte schreiwe,
Leit anschmiere, die Händ reiwe,
Ganze Taach die Stempl lecke,
Iwerall die Naas ninstrecke.

Vun eem Gericht zum anre laafe,
Felder, Wieser, Heiser kaafe,
Verträch, Grundbuch, Zeugnis mache –
E schweri Arweid, nix zu lache!

Un wann mr de Prozess verliert
Wird mr selwer gut angeschmiert;
Die Kliente losse em im Stich.
Ihre Geld behalle se for sich.

Karl Braun